

Parokia di Dakota ta informa **Padernan di orden San Dominico di centro pastoral lo repatria pa Hulanda**

*Lo celebra un Santa Eucaristia
special di despedida*

ORANJESTAD - **Diasabra** dia 6 di December, pa 7'or di anochi lo celebra un Santa Eucaristia special na Misa di La Birgen di Fatima, Dakota, pa despidi di e tres sacerdotenan di Orden San Dominico, esta Pader Jacques van der Lee, Pader Wijbe Fransen, y Pader Bouman.

Ta wordo spera cu Monseñor Secco, hunto cu e Padernan y Pastoor Daniel lo por celebra e Santa Eucaristia.

P'esei, na number di Pastoor Daniel, parokianonan y pueblo di Aruba en general ta keda cordialmente invita pa asisti na e celebracion aki y pa despues di e Santo Sacrificio por despidi personalmente di e Padernan durante di un evento cultural, cual lo tuma lugar riba e pleintje dilanti di Misa.

Nos ta desea e Padernan ya caba hopi exito den futuro y cu Dios bendiciona nan.

Pader van der Lee, Pader Fransen y Pader Bouman hopi danki pa tur cos cu cada un di boso a siña nos y pa nos por wanta nos mes riba e bon caminda di Spiritu, Bida y Berdad.

